

43. Bucerus certè, hac in parte vobis posthumis candidior, lapsum agnovit, & seriò fuit detestatus phrasin istam Articuli quarti: Ea fides iustificat, quæ per charitatem est efficax sic explicans: Verbum (*efficax*) tolli debet aut ita declarari, ut intelligatur de fiducia apprehendente misericordiam propter Christum promissam, & erigente perterrefactas mentes.

Bucerus in libro Acto-
rum Ratis-
bon. pag.

85.

44. Atqui verò tantùm abest, ut hanc explanationem in Confessione civitatum quis reperiat, ut capite sequente quinto isthæc verba expressè legantur: Renovatio & restitutio hominis, quæ fit & consistit per fidem, declaratur. PERFECTAQ; fit operibus charitatis. Et mox: Nunquàm perfectè beatus efficitur homo, nisi per Christi Spiritum eò perducatur, ut *NVL LVM* penitus ei desit bonum opus, ad quod est creatus.

45. Hæc sunt pulchella illa Emblemata, quibus egregia illa quatuor Civitatum Confessio, & in eo quidem articulo, in quo communem nobiscum contra Pontificios sententiam tueri debebat, tam pulchrè fuit exornata. Mirum profectò, ni vel tandem Sacramentarios illius pudeat pigeatq;.

46. Auctarij vice; si vacat, illam eiusdem Buceri epistolæ ad Comandrum scriptæ partem, quæso expendant Sacramentarij: ubi discretè fateatur Bucerus se Luthero & Lutheranis, ac proinde eo.